

無常等行相善根無間能超所以者何要猛利增上善根能超定故

十三末

說一切有部發智大毗婆沙論卷第一百六十五逸五  
循環上音旬下音還串習上俱惠反今用貫聖礙上音苑伽  
共證上其陵反梯反兮反逕路上正作徑筏蘇上音

阿毗達磨大毗婆沙論卷第一百六十六 逸六

五百大阿羅漢等造 三藏法師玄奘奉詔譯

定蘊第七中攝納息第三之一

十想謂無常想無常苦想苦無我想死想不淨想厭食想一切世間不可樂想斷想離想滅想如是等章及解章義既領會已應廣分

乙

全齊

別問何故此中先依十想作論答彼作論者意欲示故隨彼意欲而作斯論但不違法相便不應責有說為欲分別契經義故如契經中說有十想無常想乃至滅想契經雖作是說而不廣辯今欲辯之故作斯論問何故此中但說十想答此不應問以是佛經所說故

佛於處處經中惟說十想作論者於佛所說中不能增一說十一想不能減一說於九想所以者何佛所說法無增減故不可增減如無增無減無多無少無缺無長無量無邊亦亦無量者義難測故無邊者文難了故譬如大海無量無邊無量者深無邊者廣假使百

千那度多數諸大論師如舍利子於佛所說二句經中造百千論分別解釋盡其覺性亦不能窮其邊量況復多耶問置作論者何故世尊但說十想答所化有情齊此所說事究竟故謂佛世尊凡所說法皆觀有情所應作事今善究竟齊此而止不增不減譬如良醫

觀有病者隨應授藥不增不減佛亦如有說世尊為顯聖道聖道加行及聖道果故說十想謂說無常想無常苦想苦無我想死想則顯聖道說不淨想厭食想一切世間不可樂想則顯聖道加行說斷想離想滅想則顯聖道果有說世尊為顯聖道聖道資糧及聖

道果故說十想此中配釋如前應知有說世尊為顯奢摩他毗益舍那及二果故說於十想謂說不淨想厭食想一切世間不可樂想則顯奢摩他說無常想無常苦想苦無我想死想則顯毗益舍那說斷想離想滅想則顯彼二果有說世尊為顯此岸彼岸及船棧故

說於十想謂說不淨想厭食想一切世間不可樂想則顯此岸說斷想離想滅想則顯彼岸說無常想無常苦想苦無我想死想則顯船棧有說世尊為顯諸蘊諸界過失及彼還滅果故說十想謂說無常想無常苦想苦無我想則顯諸蘊過失說不淨想厭食想則顯

逸六

二

金

欲界過失說一切世間不可樂想則顯色界過失說死想則顯無色界過失說斷想離想滅想則顯彼還滅果有說世尊為顯入正性離生離三界染及彼道果故說十想謂說無常想無常苦想苦無我想則顯入正性離生說不淨想厭食想則顯離欲界染以欲界有

婬欲及段食欲於彼染習不能離欲界染故說一切世間不可樂想則顯離色界染以色界有生死中最勝喜受最勝樂受及第四靜慮最勝輕安樂於彼耽著不能離色界染故說死想則顯離無色界染以無色界壽量長遠於彼保著不能離無色界染故說斷想離

想滅想則顯彼道果有說世尊為顯近對治所治障故說於十想謂說無常想顯近對治於諸行中我慢障說無常苦想顯近對治懈怠障說苦無我想顯近對治我見障說不淨想顯近對治色貪障說厭食想顯近對治耽美食障說一切世間不可樂想顯近對治貪

著世間可愛事障說死想顯近對治恃命憍逸障說斷想顯近對治諸非法障說離想顯近對治染著障說滅想顯近對治所依障有說世尊為顯對治外道執見故說十想謂諸外道於無常蘊中多起常執對治彼故說無常想彼由於蘊起常執故便計為樂對治彼

逸六

三

金

故說無常苦想彼由於蘊執有樂故便計有  
 我對治彼故說苦無我想彼由執有我故便  
 計有淨對治彼故說不淨想及厭食想彼由  
 執有淨故便樂著生死對治彼故說一切世  
 間不可樂想彼由著生死故便不求涅槃對  
 治彼故說斷想離想滅想彼由不求涅槃故

保愛壽命對治彼故說於死想有說世尊為  
 顯厭逆過失遠離過失及證離彼所得功德  
 故說十想謂說不淨想厭食想一切世間不  
 可樂想則顯厭逆過失說無常想無常苦想  
 苦無我想死想則顯遠離過失說斷想離想  
 滅想則顯證離彼所得功德有說世尊為顯

暫時斷究竟斷故說十想謂說不淨想厭食  
 想一切世間不可樂想顯暫時斷說餘七想  
 顯究竟斷如暫時斷究竟斷如是有影斷無  
 影斷有餘斷無餘斷有縛斷無縛斷摧枝葉  
 斷拔根本斷制伏纏斷害隨眠斷亦亦有說  
 世尊為顯離三界染加行離三界染道離三

界染故說十想謂說不淨想厭食想顯離欲  
 界染加行說無常苦想顯離欲界染道說斷想  
 顯離欲界染說一切世間不可樂想顯離色  
 界染加行說無常苦想顯離色界染道說離  
 想顯離色界染說死想顯離無色界染加行  
 說苦無我想顯離無色界染道說滅想顯離

無色界染

如是十想界分別者不淨想厭食想一切世  
 間不可樂想欲色界餘三界及非界地者不  
 淨想厭食想在十地謂欲界靜慮中間四靜  
 慮及四近分一切世間不可樂想在七地謂  
 欲界未至靜慮中間根本四靜慮餘七想有

漏者在十一地謂欲界未至靜慮中間根本  
 四靜慮四無色無漏者在九地謂未至靜慮  
 中間根本四靜慮下三無色所依者不淨想  
 厭食想一切世間不可樂想依欲界餘依三  
 界行相者無常想作無常行相無常苦想作  
 苦行相苦無我想作無我行相不淨想作不

逸六

四

金

淨行相厭食想作厭逆行相一切世間不可樂想作不可樂行相死想作死行相斷想作斷行相離想作離行相滅想作滅行相有說後三一切皆作滅靜妙離四種行相問死想亦通無漏云何聖道作死行相耶答死為所緣故名死想然彼還作無常行相問若亦死

想無常想有何差別有說觀察諸行最後無常此想名死想觀察諸行刹那無常此想名無常想有說觀察有執受諸行無常此想名死想觀察有執受無執受諸行無常此想名無常想有說於有情處轉名死想於法處轉名無常想問若厭食想作厭逆行相者彼不

淨想亦作厭逆行相此二有何差別答不淨想厭逆於色厭食想厭逆於味有說不淨想對治姪貪厭食想對治食貪諸有欲令十六行相外無聖道者彼說無漏斷離滅想即作滅諦四種行相諸有欲令十六行相外有聖道者彼說無漏斷想即作斷行相乃至無漏

滅想即作滅行相所緣者無常想有漏者三諦為所緣無漏者苦諦為所緣無常苦想有漏者二諦為所緣無漏者苦諦為所緣苦無我想有漏者一切法為所緣無漏者苦諦為所緣然佛此中所說三想惟說緣苦諦非餘不淨想眼識為加行所引發故色處為所緣

逸六

五

良

厭食想厭段食故香味觸處為所緣有說此想亦眼識為加行所引發故但以色處為所緣一切世間不可樂想有說惟緣欲界以說此想對治緣世間可愛事貪欲此貪欲惟在欲界故此中有說惟緣世間可愛事有說亦緣可愛事所起貪欲問若惟緣欲界者云何

名一切世間不可樂想答一切有二種一切一切二少分一切此中說少分一切是故無過有說此想通緣三界以名一切世間不可樂想故問若亦何故說此想對治世間可愛事貪欲彼貪欲惟在欲界故答彼經顯示初起趣入加行故作是說若已數習成滿者



亦能斷色無色界貪欲是故無過死想有說以最後剎那命根為所緣有說以最後剎那命根無常為所緣有說以最後剎那命根俱生五蘊為所緣有說以最後剎那命根俱生五蘊無常為所緣有說以一切眾同分命根為所緣有說以一切眾同分命根無常為所

緣有說以一切眾同分命根俱生五蘊為所緣有說以一切眾同分命根俱生五蘊無常為所緣如是說者以最後命根俱生五蘊無常為所緣斷想以斷為所緣離想以離為所緣滅想以滅為所緣此後三想隨別如此即是皆以滅諦涅槃為所緣義念住者無常想

無常苦想苦無我想四念住俱不淨想厭食想身念住俱一切世間不可樂想有說身念住俱有說法念住俱死想斷離滅想法念住俱智者無常想無常苦想苦無我想死想四智相應謂法智類智苦智世俗智不淨想厭食想一切世間不可樂想一智相應謂世俗

智斷離滅想四智相應謂法智類智滅智世俗智三摩地者無常想無常苦想死想無漏者與苦無願三摩地相應苦無我想無漏者與空三摩地相應斷離滅想無漏者與無相三摩地相應不淨想厭食想一切世間不可樂想及餘七想中有漏者皆不與三摩地相

逸六

六

金

應根者惣說皆與三根相應謂樂喜捨根世者皆墮三世緣世者無常想無常苦想苦無我想緣三世不淨想厭食想一切世間不可樂想過去緣過去現在緣現在未生者緣未來不生者緣三世死想有說緣三世有說緣未來斷離滅想緣非世善等者一切皆善

緣善等者無常想無常苦想苦無我想不淨想緣善不善無記厭食想緣無記一切世間不可樂想有說緣三種有說緣不善無記死想有說緣無記有說緣三種所離滅想惟緣善三界繫不繫者不淨想厭食想一切世間不可樂想欲色界繫餘三界繫及不繫緣三

界繫不繫者無常想無常苦想苦無我想死  
想緣三界繫不淨想厭食想緣欲界繫一切  
世間不可樂想有說緣欲界以說此想對治  
緣可愛事貪欲此貪欲惟在欲界故有說緣  
三界以此名一切世間不可樂想故如是說  
者初說為善斷離滅想緣不繫學等者不淨

想厭食想一切世間不可樂想惟非學非無  
學餘通三種謂學無學非學非無學緣學等  
者一切皆緣非學非無學見所斷等者不淨  
想厭食想一切世間不可樂想惟修所斷餘  
通修所斷及不斷緣見所斷等者無常想無  
常苦想苦無我想緣見修所斷不淨想厭食

逸六

七

庚

想一切世間不可樂想緣修所斷死想有說  
緣修所斷有說緣見修所斷斷離滅想緣不  
斷緣名義者無常想無常苦想苦無我想通  
緣名義死想有說惟緣義有說通緣名義餘  
六想但緣於義緣自相續等者前七想緣自  
他相續後三想緣非相續加行得離染得生

得者一切加行得離染得非生得有漏無漏  
者不淨想厭食想一切世間不可樂想惟有  
漏餘有漏無漏外國師說死想惟有漏所以  
者何非諸聖道作我當死行相轉故評曰如  
是說者應說此想有漏無漏以此相加行時  
雖作我等當死行相若成滿時即於彼境還

作無常行相轉故緣有漏無漏者前七想緣  
有漏後三想緣無漏問此十想幾有漏緣無  
漏幾無漏緣有漏幾有漏緣有漏幾無漏緣  
無漏答三少分是有漏緣無漏四少分是無  
漏緣有漏三全四少分是有漏緣有漏三少  
分是無漏緣無漏問此十想幾非有漏非不

緣有漏乃至廣作四句前第二句作此第一  
句前第一句作此第二句前第四句作此第  
三句前第三句作此第四句有為無為者一  
切皆是有為緣有為無為者前七想緣有為  
後三想緣無為問此十想幾自性斷非所緣  
斷幾所緣斷非自性斷幾自性斷亦所緣斷

幾非自性斷亦非所緣斷答三少分自性斷  
 非所緣斷四少分所緣斷非自性斷三全四  
 少分亦自性斷亦所緣斷三少分非自性斷  
 亦非所緣斷問此十想幾非自性斷非所  
 緣斷乃至廣作四句前第二句作此第一句  
 前第一句作此第二句前第四句作此第三

句前第三句作此第四句問此十想幾是轉  
 幾是隨轉答三是轉謂不淨想厭食想死想  
 餘七是隨轉問若尔何想轉時幾想隨轉答  
 不淨想厭食想轉時各四想隨轉謂一切世  
 間不可樂想及斷離滅想死想轉時七想隨  
 轉謂無常想無常苦想苦無我想一切世間  
 逸六

不可樂想及斷離滅想云何不淨想轉時四  
 想隨轉謂修行者起不淨想時先往塚間觀  
 不淨相所謂死屍青瘀胖脹膿爛或虫獸食  
 噉血肉狼藉支節分離或肉盡筋連惟觀骨  
 璅次第連接取是相已至一近處閉目思惟  
 若皆分明現前者善若不明了當更往觀如

此善觀不淨相已疾還所止洗足敷座結跏  
 趺坐調滑身心令身心柔爽身心堪能身心  
 無熱身心離蓋既令身心離諸蓋已取先外  
 相以方已身如彼此亦尔如此彼亦尔謂我  
 此身具有如前諸不淨相因於足骨以拄踝  
 骨因於踝骨以拄脛骨因於脛骨以拄膝骨

因於膝骨以拄胫骨因於胫骨以拄寬骨因  
 於寬骨以拄腰骨因於腰骨以拄脊骨因於  
 脊骨傍連肋骨又因手骨以拄肘骨因於肘  
 骨以拄臂骨因於臂骨以拄肩骨因於肩骨  
 以拄脊骨復因脊骨以拄項骨因於項骨以  
 拄頷輪因於頷輪以拄齒鬘上有髑髏於此

身中骨璅次第善取相已繫念眉間然其所  
 樂有廣有略若樂略者即從眉間入身念住  
 從身念住入受念住從受念住入心念住從  
 心念住入法念住若樂廣者從眉間起復觀  
 髑髏齒鬘頷輪次第觀察乃至足骨次由勝  
 解作意力故令所觀骨璅漸增漸廣遍滿一

逸六

九

金

牀一房一院一僧伽藍一村一田一城一國  
乃至大海邊際所有大地皆為白骨周匝遍  
滿復以勝解作意力故從彼漸略捨大地骨  
觀於一國捨一國觀一城乃至捨一房觀一  
牀復捨一牀所有骨相但觀身骨謂觀足骨  
次觀踝骨次觀脛骨乃至最後觀髑髏骨捨

髑髏骨繫念眉間彼瑜伽師若於如是廣略  
自在是名不淨觀成然此不淨觀有所緣少  
非自在少應作四句有所緣少非自在少謂  
但思惟自身骨瓔相而能數數入出彼觀有  
自在少非所緣少謂能思惟大地骨瓔相而  
不能數數入出彼觀有自在少亦所緣少謂  
但思惟自身骨瓔相亦不能數數入出彼觀  
有非自在少亦非所緣少謂能思惟大地骨  
瓔相亦能數數入出彼觀又此不淨觀有所  
緣無量非自在無量應作四句謂前第二句  
作此第一句前第一句作此第二句前第四  
句作此第三句前第三句作此第四句彼瑜

伽師如是觀察不淨相已作是思惟生死諸  
行何可欣樂亦時便於欲色無色二界諸行  
都不貪樂由如此故彼先所修一切世間不  
可樂想便得圓滿彼由不欣樂生死故便欣  
樂涅槃由此因緣先所修習斷離滅想皆得  
圓滿如是不淨想轉時四想隨轉云何厭食

想轉時四想隨轉謂修行者起厭食想時觀  
手中若鉢中食從何而成知從穀等復觀穀  
等從何而來知從田中種子差別復觀種子  
由誰故生知由種種泥土糞穢如是觀已便  
作是念此食展轉從不淨生復能展轉生諸  
不淨誰有智者於中貪著又彼行者或常乞  
食或僧中食常乞食者晨朝澡漱嚼楊枝時  
於水作泉想於楊枝作指骨想著衣持鉢往  
聚落時於衣作濕人皮想於腰縮作人腸想  
於鉢作髑髏想於錫杖作脛骨想於道路間  
所見礫石作骸骨想既至聚落見諸城壁作  
塚墓想見諸男女作骨瓔想於乞食時若得

逸六

十

金



餅作人肚想若得麩作骨竦想若得鹽作人  
齒想若得飯作蛆虫想若得諸菜作人髮想  
若得羹臛作下汁想若得乳酪作人腦想若  
得酥蜜作人脂膏想若得魚及肉作人肉想  
若得諸飲作人血想若得歡喜丸等作乾糞  
想其僧中食者若得淨草作死人髮想所處

牀座作骨聚想於所得飲食作不淨想皆如  
前說問行者何故於飲食等作不淨想耶答  
彼作如是思惟我無始生死由於不淨作淨  
想故輪迴五趣受諸苦惱今欲違彼趣涅槃  
樂是故於中觀為不淨復次彼行者作是念  
莫令我於飲食生淨想故增益貪心障礙聖

道故於飲食作不淨想由不淨想便能厭離  
彼瑜伽師如是於食起厭想已作是思惟生  
死諸行何可欣樂便於三界諸行生厭由如  
此故彼先所修一切世間不可樂想便得圓  
滿彼由厭生死故便樂涅槃由此因緣先所  
修習斷離滅想皆得圓滿如是厭食想轉時

四想隨轉云何死想轉時七想隨轉謂修行  
者起死想時觀察諸法念念生滅彼於春時  
見諸卉木生華生葉鮮榮紅紺如妙寶色河  
池津液水漸盈滿魚鳥喧戲便作是念今外  
物生彼入聚落見諸男女歌儻跳躍飲食喜  
慶即前問之此何故亦答曰此處生男生女

逸六

土

金良

便作是念今內法生復於夏時見諸卉木柯  
條聳密華葉茂盛河池汎溢波濤輪轉查沫  
凌岸便作是念此諸外法今已興盛彼入聚  
落見諸男女擊鼓吹貝歌儻歡笑車馬雜沓  
即前問之此何故亦答曰此中有嫁娶事便  
作是念此諸內法今已壯盛復於秋時見諸

草木為秋日所曝涼風所吹青色銷盡葉皆  
黃悴河池流水漸漸減縮便作是念此諸外  
物今已衰悴彼入聚落見諸男女髮白面皺  
扶杖而行身形曲僂咳逆上氣便作是念此  
諸內法今已衰老復於冬時見諸草木霜風  
飄擊葉皆在地摧折枯死河池流水漸竭

盡乃至乾涸便作是念此諸外法今已復滅  
彼入聚落見諸男女被髮跳踊捷習號叫宛  
轉在地即前問之此何故尔荅曰此處父母  
死喪便作是念此諸內法今已復滅彼於如  
是內外無常善取相已還其所止洗足敷座  
結跏趺坐調滑身心令身心柔爽身心堪能

身心無執身心離蓋既令身心離諸蓋已內  
住其心修於死想謂如所見諸無常相觀察  
內身一期諸蘊結生時生乃至老死時滅復  
於一期有尔所位諸蘊各異捨餘隨觀一位  
諸蘊前生後滅復於一位有尔所歲諸蘊各  
異捨餘隨觀一歲諸蘊前生後滅復於一歲

有尔所時諸蘊各異捨餘隨觀一時諸蘊前  
生後滅復於一時有尔所月諸蘊各異捨餘  
隨觀一月諸蘊前生後滅復於一月有尔所  
晝夜諸蘊各異捨餘隨觀一晝夜蘊前生後  
滅復於一晝夜有尔所年呼栗多諸蘊各異  
捨餘隨觀一年呼栗多蘊前生後滅復於一

年呼栗多有尔所臘縛諸蘊各異捨餘隨觀  
一臘縛蘊前生後滅復於一臘縛有尔所但  
刹那諸蘊各異捨餘隨觀一但刹那蘊前生  
後滅復於一但刹那有尔所刹那諸蘊各異  
以刹那最多故於中漸漸略觀乃至觀蘊二  
刹那生二刹那滅是名生滅觀加行圓滿從

逸六

十三

金

此無間能觀諸蘊一刹那生一刹那滅是名  
生滅觀成尔時名為死想圓滿以諸位滅即  
是死故彼修行者如是諦觀蘊生滅已便作  
是念世尊所說諸行無常誠為善說以生滅  
即無常故如是行者死想轉時令先所修諸  
無常想皆得圓滿行者復觀諸蘊相續前刹

那蘊由後刹那蘊所逼迫故生已即滅如是  
觀已便作是念世尊所說無常故苦誠為善  
說以逼迫即是苦故如是行者死想轉時令  
先所修無常苦想而得圓滿行者復觀前刹  
那蘊纔滅後刹那蘊即生假使前蘊念言我  
今不滅後蘊念言我今不生彼於所欲皆不

自在前蘊後所逼故必滅後蘊前所牽故必  
 生如是觀已便作是念世尊所說苦無我想  
 誠為善說以不自在即無我故如是行者死  
 想轉時令先所修苦無我想而得圓滿行者  
 復觀諸行生滅不自在故於空行聚中不生  
 貪樂由此便於三界諸行不生樂著如是死

想轉時令先所修一切世間不可樂想而得  
 圓滿彼修行者既於生死不樂著故便樂涸  
 槃如是死想轉時令先所修斷離滅想皆得  
 圓滿由此故說死想轉時七想隨轉問修諸  
 想時有勝解作意有真實作意彼勝解作意  
 所觀不實何非顛倒答彼修行者知非真實  
 十三末

不生實執故非顛倒問若知不實何故猶作  
 答為伏煩惱是故須作問此若不實云何能  
 伏煩惱答由作彼想便能制伏如於餘女作  
 母想時不生貪染於怨憎所作親想時不生  
 瞋恚於下人所作尊想時不生憍慢此亦如  
 是故須觀察

說一切有部發智大毗婆沙論卷第一百六十六 逸六

無長丈下音 度多主上反 船楫下音 恃音 暫音 暫音 暫音  
 反上 青瘀去下反 肪脹反上反 江疔反 筋筋二  
 正斤 骨瑯作下鎖正 拄踝下上反 玄知反 反向反 筋筋二  
 反 胫反 肱反 脛反 膝七  
 瘦 早 髑髏二 臂反 臂反 泉泉正 錫杖反

罽絁正下上高反 礫石上音 骸反 麩反 麩反  
 末 蛆虫徐上七 羹臙下呼 卉木上音 紅紺下反 糝反  
 津液亦下音 跳踊條二音 柯條上音 聳密上音  
 汎溢下上芳苑反 查沫下上助加反 雜沓下唐反  
 一音木 反 悴才迷 縮所六 曲僂下反 咳逆上反  
 飄反 乾涸下音 搥臂上直

阿毗達磨大毗婆沙論卷第一百六十七 逸七

五百大阿羅漢等造 三藏法師義奉 詔譯

定蘊第七中攝納息第三之二

無常想等攝幾靜慮等耶答無常想攝四靜  
 慮四無色四解脫乃至廣說問何故作此論  
 答欲止他宗義顯已義故如分別論者許他  
 章